

**Talamdan sa  
Mga Mensahe alang sa Full-time Training  
sa Spring Term sa 2022**

-----  
**LINANGKOB NGA HISGOTANAN:  
MGA CAPITULO 5 HANGTOD SA 8 SA ROMA—  
ANG UYOK SA BIBLIA**

Mensahe 16

**Naghulat sa Pagpadayag sa Mga Anak sa Dios—  
ang Pagkahingpit sa Kahikayan sa Pagpaila**

Basahong Kasulatan: Eccl. 1:2; 12:8; Sal. 39:4-6; Rom. 6:5; 8:11, 17-23; Fil. 3:21

**I. Mahinamong naghulat ang uniberso sa pagpadayag sa mga anak sa Dios—Rom. 8:19:**

- A. Nagsugod ang pagkaanak sa pag-anak pag-usab sa atong espiritu, nagpadayon sa pag-transporma sa atong kalag, ug mahingpit sa pagtubos sa atong lawas—v. 23.
- B. Mabalak-ong nagpaabot ug mahinamong naghulat ang kabuhatan sa pagpadayag sa mga anak sa Dios—v. 19:
  - 1. Ang pagpadayag pagbukas man sa tabon o pagpakitag butang nga gitabonan o gitago kanhi—Efe. 1:17; 3:5; Gal. 1:15-16; Bug. 1:1.
  - 2. Sa ikaduhang pag-anhi sa Ginoo, kon himayaon na ta ug bug-os nang matubos ang atong lawas, ukbon na ang tabon—Rom. 8:18.
- C. Gipasakop sa kakawangan ang tibuok kabuhatan—v. 20:
  - 1. Matod pa sa Ecclesiastes, kakawangan ang kasaysayan sa tawo, sugod sa pagsugod niini hangtod karon—1:2; 12:8.
  - 2. Bisan unsa pa kamaayo, kanindot kaayo, kakahibulongan, ug katahom sa usa ka butang, basta iya kini sa daang kabuhatan, bahin kini sa kakawangan sa mga kakawangan silong sa Adlaw—1:9; 2:11, 17, 22.
  - 3. Sa Salmo 39:4-6 nakaamgo si David sa pagkabalewala ug pagkakawang sa iyang kinabuhi:
    - a. Ning salmoha gipaamgo sa Dios si David nga balewala siya ug kakawangan; nakat-onan niya nga kakawangan lang gyod ang tanang tawo sa labing maa-yong kahimtang niya—v. 5.
    - b. Ang pagkaamgo nato nga masal-anon ang atong kahimtang (Sal. 38) ug kakawangan ang atong sitwasyon maghatag ni Cristo og higayon nga ilansang ta sa krus ug mosulod Siya nato aron pulihan ta sa pagkinabuhi Niya sa Iyang Kaugalingon pinaagi nato ug pakinabuhion ta uban Niya diha sa organicong pagkausa, ingon sa gipadayag ni Pablo sa Galacia 2:20.
- D. Gilalang sa Dios ang tawo nga dunay labing habog ug labing halangdong tuyo, sa ato pa, magpadayag sa Dios sa dagway Niya nga dunay diosnong kinabuhi ug kinaiya Niya—Gen. 1:26:
  - 1. Gipasulod sa kaaway sa Dios, ni Satanas, ang yawa, ang iyang kaugalingon sa tawong gilalang sa Dios alang sa Iyang tuyo—3:1-6; Rom. 5:18; 3:23; 1 Juan 3:4.
  - 2. Tungod sa pagpasulod ni Satanas sa iyang kaugalingon isip sala nganha sa tawo, naulipon sa pagkadunot ug gipasakop sa kakawangan ang tawo ug ang tanang linalang nga butang—Rom. 5:12; 8:20-21.

3. Kay gipasakop man sa kakawangan ug naulipon sa pagkadunot ang kabuhatan, kawangan ang tanang butang silong sa Adlaw—Eccl. 1:2; 12:8.
  4. Sa pagkakaran naulipon ang kabuhatan sa balaod sa pagkadaot ug pagkadunot; ang bugtong paglaom niini kana rang mahigawas kini sa pagkaulipon sa pagkadunot ngadto sa kagawasan sa himaya sa mga bata sa Dios inigpadayag na sa mga anak sa Dios—Rom. 8:20-21.
- E. Usang nag-agulo ug nag-antos sa kasakit sa pagpanganak ang tibuok kabuhatan hangtod karon, ug kita mismo nag-agulo sa atong kaugalingon, mahinamong naghulat sa pagpadayag sa mga anak sa Dios—vv. 19, 22-23, 16.

## **II. Moabot ang pagpadayag sa mga anak sa Dios isip pagkahingpit sa kahikayan sa pagpaila nga gisinati nato karon—1:3-4:**

- A. Sa pagkabanhaw nausab ang dagway ni Cristo sa pagka-tawo Niya ug gipaila Siya nga Anak sa Dios, ug pinaagi nianang pagkabanhaw, kamulo sab tang gipaila nga mga anak sa Dios—Mat. 17:2, 9; Rom. 1:3-4; 8:11.
- B. Sa moambit ta sa pagkabanhaw ni Cristo, maanaa ta sa kahikayan sa pagpaila sa mga anak sa Dios; gipaila ta pinaagi sa pagkabanhaw—6:5; 8:11:
1. Naa tang tanan karon sa kahikayan sa pagpaila sa mga anak sa Dios pinaagi sa pagkabanhaw—1:3-4.
  2. Ang kahikayan sa pagpaila, paghimong anak, kanato mao ang kahikayan sa pagkabanhaw nga dunay upat ka dagkong aspeto—pagbalaan, pagtransporma, pagpama, ug paghimaya—6:22; 12:2; 8:29-30.
  3. Gipaila ta nga anak sa Dios sa pag-usab sa kinabuhi pinaagi sa kahikayan sa pagkabanhaw—Juan 11:25.
  4. Gihisgotan sa Roma 6:5 ang pagsinati sa pagkabanhaw; niingon kining versiculoha nga nagtubo ta uban ni Cristo diha sa pagkasama sa Iyang kamatayon ug masama sab ta sa Iyang pagkabanhaw.
  5. Gahom-sa-kinabuhi ang pagkabanhaw—si Cristo nga gahom-sa-kinabuhi alang nato—Efe. 1:19-20.
  6. Makadaog sa tanang negatibong butang, lakip na sa kamatayon, ang pagkabanhaw; bisan gamhanan ang kamatayon, labi pa gyod kagamhanan ang pagkabanhaw—Buh. 2:24.
  7. Dili lang nga modaog sa kamatayon ang pagkabanhaw; molamoy sab kini sa kamatayon—1 Cor. 15:54.
  8. Dunay daghang positibong buhat ang pagkabanhaw—pagpatubo, pagtransporma, ug paghulma.
  9. Naa sab sa pagkabanhaw ang gahom sa pagsulbong; ang calamo sa Exodo 30:23 hulagway sa gahom ni Cristo sa pagsulbong.
  10. Isip mga magtutuo, naa tay Cristo sa sulod nato isip pagkabanhaw, ug kining pagkabanhaw mao ang atong gahom-sa-kinabuhi, nga makapatubo, makatransporma, ug makahulma nato—Rom. 8:11; 12:2.
  11. Ang Espiritu maoy realidad sa pagkabanhaw; ang Espiritu Niya nga nagbanhaw ni Jesus gikan sa mga minatay nagpuyo sa sulod nato isip realidad sa pagkabanhaw—8:11; 1 Cor. 15:45b.
  12. Imbis maningkamot sa pagpamaayo sa atong kaugalingon o maghimo ba sa atong kaugalingon nga hingpit nga walay sala, mosinati ug mopahimulos gyod ta sa nagpailang Espiritu; pinaagi sa gahom sa pagkabanhaw matransporma ta, masama sa Iyang dagway, ug sa kaulahian mahimaya—Rom. 12:2; 8:17, 21, 29.
- C. Ang pagkahimaya nato sa umalabot mao ang kinataposang lakang sa kahikayan sa pagpaila pinaagi sa pagkabanhaw; pagkabanhaw kini nga iaplikar sa lawas—v. 23:

1. Gikinahanglan nato nga matubos ang atong lawas, sa ato pa, ang pagkabanhaw nga iaplikar sa atong lawas.
  2. Ang diosnong kinabuhi nga naa sa sulod nato sa kaulahian hingpit nga mapadayag pinaagi sa atong pisikal nga lawas, nga mag-usab niini aron mahimong mahimayaang lawas—Fil. 3:21.
  3. Sa ingon niini, lamyon sa diosnong kinabuhi sa sulod nato ang kamatayon.
  4. Nagpasabot kini nga hingpit na tang maanaa sa pagkabanhaw, ug matuhopan sa diosnong kinabuhi ug kinaiya ang tibuok natong pagkatawo; kana ang hingpit nga pagkaanak—Rom. 8:15, 23.
- D. Ang pagtulon-ang gikinahanglan nato karon dili objectibong mga pagtulon-an kalabot sa panagna o mga dispensasyon ba kondili pagtulon-an kalabot sa pagpaila kanato nga mga anak sa Dios pinaagi sa pagsinati ug pagpahimulos nato sa nabanhawng Cristo nga gahom-sa-kinabuhi—Juan 11:25:
1. Kon naa tay ingon niini nga pagtulon-an, makaamgo ta nga sa atong kaugalingon wala tay paglaom ug walay mahimo, ug dili na ta maningkamot pa nga magpamaayo sa atong kaugalingon—Fil. 3:3.
  2. Gamiton gyod nato ang atong espiritu sa pagkontak sa Ginoo ug moapil sa kahikayan sa pagpaila pinaagi sa pagkabanhaw hangtod mahimaya ta—Rom. 8:17-18, 21.